



3Broj: 22-04-44-1-113/19
Sarajevo, 24.04.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 07:00 sati 23.04.2019. do 07:00 sati 24.04.2019. godine

Kantonalni operativni centra civilne zaštite je dana, 23.04.2019.godine u 15:15 sati od Općinske službe civilne zaštite Novi Grad primio zahtjev za angažovanjem pripadnika Gorske službe spašavanja Kantonalne uprave civilne zaštite Kantona Sarajevo na potrazi za nestalom starijom ženskom osobom Ružicom Bičvić, koja je nestala 20. aprila 2019. godine iz naselja Dobrinja. U svom zahtjevu su naveli da im je pomoć naše Gorske službe spašavanja potrebna iz razloga što su u toku potrage za navedenom osobom, došli do materijalnih dokaza koji ukazuju da se ista nalazi van urbanog područja. Kantonalni operativni centar civilne zaštite je o zahtjevu Općinske službe civilne zaštite Novi Grad obavijestio direktora Kantonalne uprave civilne zaštite Kantona Sarajevo, po čijoj je naredbi, a po propisanim procedurama angažovana Gorska služba spašavanja Kantonalne uprave civilne zaštite, koja je sa 21 spasiocem odmah izašla na teren, koji su poslijepodnevni i ranim večernjim satima pretražili područja u Ahatovićima, Gornjoj i Donjoj Bioči, Riječici i Dobroševićima. Akcija pripadnika naše Gorske službe spašavanja na pretraživanju terena je trajala do 21:00 sati, međutim, nestala osoba nije pronađena.

U izvještajnom periodu Kantonalni operativni centar civilne zaštite primio je dvije informacije o pronalasku NUS-a i to:

- dana, 23.04.2019. godine u 08:05 sati od Općinske službe civilne zaštite Hadžići, da je u ul. Žunovačka bb, pronađen jedan NUS (zrno topovske granate);
- dana, 23.04.2019. godine u 09:45 sati od građanina, da je u naselju Rakovica, Općina Ilidža, pronađen jedan nepoznat NUS.



O primljenim informacijama obaviješteni su pripadnici Tima za UES Federalne uprave civilne zaštite, koji su navedena neeksplozivna ubojna sredstva uklonili isti dan.

Profesionalna vatrogasna jedinica Kantonalne uprave civilne zaštite Kantona Sarajevo: U izvještajnom periodu pripadnici Profesionalne vatrogasne jedinice imali su četiri manje intervencije i to: dvije intervencije na gašenju niskog rastinja, jedna intervencija na gašanju napuštenog objekta i jedna tehnička intervencija ulazak u stan.

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

JU Zavod za javno zdravstvo Kantona Sarajevo: U periodu od 08.04. do 14.04.2019. godine, na području Kantona Sarajevo ukupno je prijavljeno 120 slučajeva zaraznih bolesti obaveznih prijavi, od toga: 2 angina streptoc. (streptokokna angina), 14 enterocolitis ac. (enterokolitis), 12 herpes zoster (šindre), 1 mononucleosis (mononucleoza), 9 nosocomial infections (bolničke infekcije), 7 scabies (svrab, šuga), 2 scarlatina, 4 tbc i 69 morbili.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila 12°C, vlažnost zraka 73%, barometarski pritisak 942,5 hPa.

BIHAMK: Saobraćaj se na području Kantonu Sarajevo odvija uredno. Na dionicama gdje se izvode planirani radovi saobraćaj se odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije Bi H i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komadantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1